



REPUBLIKA E SHQIPËRISË
KOLEGJI ZGJEDHOR GJYQËSOR
TIRANË

Nr.14 Regj.Them
Datë regjistrimi: 26.05.2021

Datë: 28 maj 2021

VENDIM

“PËR BASHKIMIN E ÇËSHTJEVE”

Pranë Gjykatës Administrative të Apelit Tiranë, për llogari të Kolegjit Zgjedhor Gjyqësor, është paraqitur për shqyrtim më datë 26.05.2021, ora 15.40, çështja që i përket:

- Paditës:** Partia Lëvizja Socialiste për Integrim, përfaqësuar nga Kryetari Znj.Monika Kryemadhi, me adresë: Rruga “Sami Frashëri”, Nr.20/10, Tiranë.
- I Paditur:** Komisioni Qendror i Zgjedhjeve
- Palë e interesuar:** Partia Socialiste e Shqipërisë
Partia Demokratike e Shqipërisë
- Objekti:** Ndryshimi i vendimit nr.88, datë 21.05.2021 të Komisionit të Ankimimeve dhe Sanksioneve (KAS) në Komisionin Qëndror të Zgjedhjeve.
- Baza Ligjore:** Neni 145 e vijues i Kodit Zgjedhor të RSH.

Më datë 27.05.2021 u hodh shorti publik për përcaktimin e përbërjes së Kolegjit Zgjedhor Gjyqësor që do të shqyrtojë çështjen dhe sipas tij trupi gjykues përbëhet nga gjyqtarët:

- 1) Manjola Xhaxho (relatore),
- 2) Asim Vokshi (anëtar),
- 3) Emona Muçi (anëtare),
- 4) Alma Kolgjoka (anëtare),
- 5) Esmeralda Xhili (anëtare).

Rezulton se më datë 28.05.2021, ora 08.30 nëpërmjet shërbimit postar, është paraqitur pranë Gjykatës Administrative të Apelit çështja me nr. 15 akti, datë regjistrimi 28.05.2021 që i përket:

- Paditës:** Partia Demokratike – Aleanca për Ndryshim (PD-AN)
- I paditur:** Komisioni Qendror i Zgjedhjeve, Tiranë.

Palë të Interesuara: Partia Lëvizja Socialiste për Integrim (LSI).
Partia Socialiste e Shqipërisë

- Objekti:**
1. Kundërshtimi i vendimit të datës 21.05.2021 të Komisionit të Ankimeve dhe Sanksioneve KAS për rrëzimin e kërkesës ankimore nr.42 të subjektit zgjedhor Partia Demokratike – Aleanca për Ndryshim (PD-AN).
 2. Shpalljen e pavlefshmërisë së zgjedhjeve për Kuvendin e Shqipërisë të zhvilluara në datën 25.04.2021 në zonën zgjedhore Qarku Berat.
 3. Urdhërimin e përsërisjes së zgjedhjeve për Kuvendin e Shqipërisë në të gjithë zonën zgjedhore Qarku Berat.

Baza ligjore:

Nenet 1, 18, 35, 42, 45, dhe 64 të Kushtetutës së Shqipërisë;
Nenet 6, 8, dhe neni 3, Protokolli 1 i Konventës Evropiane të Drejtave të Njeriut;
Pikat 27 dhe 49 të Kodit të Praktikës së Mirë në Çështjet Zgjedhore;
Nenet 136, 137, 145, 152, 153, 156, 160 dhe 161 të Kodit Zgjedhor;
Nenet 14, 223, dhe 224 të Kodit të Procedurës Civile;
Nenet 6 dhe 7 të Ligjit 9887 datë 10.03.2008 “Për Mbrojtjen e të Dhënave Personale”;
Nenet 3 dhe 6 të Vendimit nr.9 date 24.12.2020 të KQZ-së.

Kolegji Zgjedhor Gjyqësor, vlerëson se çështja nr.15.akti, datë regjistrimi 28.05.2021 ka lidhje për nga objekti me çështjen e regjistruar më parë me nr.14.akti, datë regjistrimi 26.05.2021, për të cilën është hedhur shorti për përcaktimin e trupës gjyqësore. Në zbatim të neneve 57, 158/a(ë) të Kodit të Procedurës Civile dhe neneve 154 e 155 të Kodit Zgjedhor, çështja e paraqitur më pas me nr.15.akti, datë regjistrimi 28.05.2021, do të bashkohet me çështjen e regjistruar më parë me nr.14 akti, datë regjistrimi 26.05.2021 dhe do të gjykohen në një gjykim të vetëm.

Në këto kushte, në zbatim të neneve 57, 158/a(ë) të Kodit të Procedurës Civile dhe neneve 154 e 155 të Kodit Zgjedhor të Republikës së Shqipërisë,

VENDOSA:

1. Bashkimin e çështjes së paraqitur më pas me nr.15 akti, datë regjistrimi 28.05.2021, me paditës Partia Demokratike – Aleanca për Ndryshim (PD-AN), me çështjen zgjedhore të regjistruar më parë e cila mban nr.14 akti, datë regjistrimi 26.05.2021, me paditës Partia Lëvizja Socialiste për Integrim.
2. Ngarkohet sekretaria gjyqësore sëbashku me punonjësit gjyqësorë të Gjykatës Administrative të Apelit Tiranë, t'i njoftojnë këtë vendim bashkimi palëve, si dhe subjekteve të tjera të interesuara që kanë qenë pjesëmarrëse në procedurën e ankimit administrativ pranë KAS, për vendimmarrjen objekt gjykimi.
3. Tiranë më 28 maj 2021.

KRYESUESI I TRUPIT GJYKUES
GJYQTARE RELATORE
Manjola XHAXHO

